


**Kalaallit Nunaanni kommunini  
allagaatinik toqqorterisarneq  
kasiiliisarnerlu pillugit  
aalajangersakkat**



Siulegut:

Maanna nunatsinni kommunit toqqorterisarnerannut kasiilii-sarnerannullu malittarisassaq nutaaq una kiisami ukiuni marlunni suliarineqareerluni saqqummerpoq. Tassani pingaarnerpaatut sulisimapput arkivar Jan Kanstrup aammalu arkivar Niels Brøndum Josephsen. Suliarinerani tusarniaavigineqarsimapput Namminersornerullutik Oqartussat allattoqarfii asigiinngitsut aammalu KANUKOKA. Siornatigut malittarisassat saqqummersinneqarsimasut annertusimangillat. Matuma saqqummersinneratigut nunatsinni kommunit periarfissaqalerput toqqorsivimminni annertuumik aaqqissuilluarnissamik, aammalu toqqorsivimmi inissaqarlualernissamik. Kommuninut pingaartuuvoq toqqorsiviup pitsaasumik aaqqissuunnissaa. Tamanna anguneqarpat piffissamik annertuumik sipaarnissaq anguneqassaaq. Aammattaaq Nunatta Katersugaasivianut Allagaateqarfianullu (siornatigut Toqqorsivik) nassiussilerner-mi piffissamik aningaasanillu sipaarnarsissaaq (takuuk § 11 stk.4 "Inatsisartut katersugaaviveqarneq toqqorsiveqarnerlu pillugit peqqussutaat nr. 4, 18. maj 1990-imeersoq). Nalornigaanni pingaartuuvoq Allagaateqarfiup (siornatigut Toqqorsivik) attaviginissaa. Allagaateqarfik (siornatigut Toqqorsivik) attavigineqarsinnaavoq oqarasuaat 2 48 55 atorlugu. Siunissamili Allagaateqarfik (siornatigut Toqqorsivik) Katersugaasivimmut nuuppat 1992-ip ingerlanerani oqarasuaat 2 26 11 atorneqalissaaq.

Nunatta Katersugaasivia Allagaateqarfialu

Direktør Emil Rosing

Arkivleder Jens Brandt

IMARISAI

Siulequt .....	1
Imarisai .....	2
0. Aallaqqaasiut (inatsisitigut tunngavik).....	3
1. Atuufigisassai .....	3
2. Siunertaa .....	4
3. Kasiiliinissami piffissarititaasut .....	5
4. Kasiiliinerit ingerlanneqarneri .....	6
5. Allagaatit toqgorneqarneri .....	6
6. Piffissap ilaannaani toqgorsisarneq .....	7
7. edb-kkut allagaatit toqgorneqartarneri kasiilerne- qartarnerilu .....	8
Allaffeqarfinnut tamanut ataatsimoortumik aalajangersakkat .....	10
Allattoqarfik (borgmesterip allaffia) .....	12
Aningaasaqarnermut allaffik .....	15
Akilerartarnermut allaffik .....	17
Isumaginninnermi allaffik .....	19
Ineqarnermut allaffik .....	22
Suliffissarsiuussisarfik inuutissarsiuutitigullu allaffik .....	24
Teknikkimut tunngasumik allaffik .....	26
Kultureqarnermut atuarfeqarnermullu allaffik .....	29
Atuarfiit ataasiakkaat .....	31
Kommunip ulluunerani paaqqinniffiutai .....	35
Nunaqarfinni allaffiit (distriktimi allaffiit filiale- qarfiillu .....	36
Bilag .....	37

**KALAALLIT NUNAANNI KOMMUNINI****ALLAGAATINIK TOQQORTERISARNEQ****KASIILIISARNERLU PILLUGIT****AALAJANGERSAKKAT****0. Aallaqqaasiut (inatsisitigut tunngavik)**

Kalaallit Nunaanni Kommunini allagaatinik toqqorterisarneq kasiiliisarnerlu pillugit aalajangersakkat makku aalajangersarneqarput Inatsisartut katersugaasiveqarneq toqqorsiveqarnerlu pillugit peqqussutaat nr. 4, 18. maj 1990-imeersumi §§ 7 - 12 naapertorlugit, taakkulu malillugit pisortat suliffeqarfiutaasa allagaataat taamaallaat kasiilerneqarsinnaapput Nunatta Katersugaasivia Allagaateqarfialu akuersiseqqaarlugu, imaluunniit inatsisiliornikkut aalajangersakkat immikkut ittut malillugit.

Aalajangersakkat taakku siusinnerusukkut aalajangersagaasut taarserlugit atulerput, matumani Kalaallit Nunaanni Kommunini nalunaarsuineranut allagaatinillu toqqorterineranut ilit-sersuummut (1986-imeersumut) ilanngussaq 4 kiisalu Kultureqarnermut Atuartitaanermullu Pisortaqarfiup kaajallaasitaa nr. 3/1987 aamma atorunnaarpoq.

**1. Atuffigisassai**

Aalajangersakkani pineqarput kommunip allaffikkut aqutsiner-mi kommunillu suliffeqarfiini allagaatit 1970-ip kingorna pigineqalersimasut.

Allagaatit taakkunannga pisoqaanerusut Nunatta Katersugaasivia Allagaateqarfialu immikkut akuersiseqqaartinnagu kasiilerneqassanngillat.

Allagaatit kommunip allagaatinik toqqorsiviani pigineqartut pisortatigut oqartussaqarfinnit allaneersut (suliffeqarfiit/paaqqinniffiit matusat, suliassaqarfiit suliffeqarfinniit/paaqqinniffinniit tiguneqarsimasut, il. il.) Nunatta Katersugaasivia Allagaateqarfialu immikkut akuersiseqqaartinnagu kasiilerneqassanngillat.

Allagaatit kommunimut tunngassutegavinnqitsut, kommunilli toqqorsivianut toqqorneqarsimasut, soorlu peqatigiiffiit allagaataat inunnulluunniit ataasiakkaanut tunnganerusut Nunatta Katersugaasivia Allagaateqarfialu immikkut akuersiseqqaartinnagu kasiilerneqassanngillat.

Taaguummi "allagaatit"-ni pineqarput kommunip ingerlatsineratigut allagaatit uppersaartitut pinngorsimasut tamarmik. Tassani allakkat (allattaavissuit, allakkat, kartotekit, immersugassat, allattaaviit assilineqarneri, allakkiat il. il.) kiisalu atortussat allat kommunip ingerlatsinera pillugu paasissutissiisut (tassa aamma titartakkat, assilissat, bändinut immiussat edb-lu atorlugu allagaatit allat) pineqarput.

Allagaatit kasiilerneqarnissaat toqqorneqarnissaalluunniit nalornineqarpat Nunatta Katersugaasivia Allagaateqarfialu saaffigineqassaaq, oqarasuaat 2 48 55 atorlugu.

## 2. Siunertaa

Allagaatit ilaannik kasiiliisarneq pillugu aalajangersakkat aalajangersarneqarsimapput allagaatinut allaffikkut aqutsinermut pingaaruteqanngitsunut kulturilu tunngavigalugu Nunatta Katersugaasivia Allagategarfialu misissuineranut atorussaanninnamik toqqorneqarnissaminnut pingaaruteqanngitsu-

nut inissamik pisariaqanngitsumik kommunit atuinnginnissaat qulakkeerniarlugu.

Allagaatinik toqqorsisarneq pillugu aalajangersakkat aalajangersarneqarsimapput paasissutissat iluatinnaateqartut siunissami toqqorneqarlutik kasiilerneqannginnissaat qulakkeerniarlugu.

Aalajangersakkat tamakkiisuunissaat paatsoorneqarsinnaannginnissaallu anguniarneqarsimavoq. Taamaakkaluartorli suliasat ilaat pillugit aalajangersakkat kinguarsarneqartariaqarsimapput, aammalu suliasat allatut ilusillit saqummer-tartussaallutik.

Allagaatit ilaat aalajangersakkat taakku malillugit erseqqissumik inissinneqarsinnaanngippata allagaatit tamakku toqqorneqassapput Nunatta Katersugaasivia Allagaateqarfialu kasiiliinissamik immikkut akuersissuteqarnissaata tungaanut, imaluunniit allagaatit taamaattut immikkut malittarisassiunneqarnissaasa tungaannut.

Tamanna aamma atuuppoq arlaannik patsiseqartumik nalorninar-toqarpat.

### 3. Kasiiliinissami piffissarititaasut

Aalajangersakkat makku malillugit kasiiliinissami piffissarititaasut (tassa kasiiliinnginnermi piffissaq ingerlareersimasussaq) Namminersornerullutik Oqartussat pisorta qarfi KANUKOKA-lu tusarniaavigereerlugit aalajangersarneqarsimapput.

Taamaalilluni piffissarititaasut nalunaarpat qagugukkut qularnaateqanngitsumik kasiiliinissaq allaffikkut aqutsinikkut imminut illersorneqarsinnaasoq. Atortussalli kasiilernissaannit kommunit immikkut pisussaaffeqanngillat, tunaartarisassanilu makkunani piffissarititaasunit sivisunerusumik toqqortarisinnaallugit.

4. Kasiiliinerit ingerlanneqarneri

Allagaatit toqgorneqartussaannngitsut kasiiligassanngortinneqartullu Nunatta Katersugaasivianut Allagaateqarfianullu tunniunneqarsinnaanngillat. Allagaatit taamaattut kommunip suliaanut pingaarutaarussimasut kasiiliinissamat piffissaq nallerpat aserorterneqassapput, susassaqaanngitsunit pissarsiarineqarsinnaajunnaarsillugit.

Tamanna pisinnaavoq maskiinat aserorterutit atorlugit, ikuallaasarfimmi ikuallaanikkut "Eqqaavissuarmiluunnit" nakkutigineqaqqissaartumik ikuallaanikkut.

5. Allagaatit toqgorneqarneri

Toqgorsinissamik aalajangiisoqarpat allagaatit illersorneqarsinnaasumik torersumillu toqgorsimaneqassapput Nunatta Katersugaasivianut Allagaateqarfianullu tunniunneqarsinnaalernissaasa tungaannut.

Tunniussineq Nunatta Katersugaasivia Allagaateqarfialu isumaqatigiissuteqarfialugu pisinnaavoq, aatsaalli allagaatit ukiut 15-it missaanni pisoqaassuseqalerpata, ukiunullu tulleriinnut imminnut atasunut tungassuteqartut tamatigut ataatsikkoortillugit tunniunneqartassallutik. Piffissanngornissaata tungaanut taakku kommunip toqgorsiviani toqgorsimaneqassapput "Kommunit nalunaarsuinermit toqgorterinerimullu periaasissaannut malittarisassiami" kapitali 3-mi (KANUKOKA Kalaallit Nunaata Toqgorsivia, 1986) tunaartarisassiat malillugit.

Tamatumunnga ilanngullugu oqaatigineqassaaq allagaatit toqgorneqartussat misissorluarneqarlutik, salinneqarlutillu toqgortuinermi atugassianut karsinut immiunneqassammata, kommunillu toqgorsivianut nuunneqarneranni nalunaarsorlugit allattorneqassallutik.

6. Piffissap ilaannaani toqqorsisarneq

Suliassat ilaat piffissap ilaannaani toqqortarineqassapput. Taamaattoqartillugu toqqorneqartussat toqqortarineqarneri periutsit aalajangersimasut malillugit pissaag, tassalu:

- ukiut tallimakkaarlugit toqqorsisarneq, imaluunniit
- kisitsisitigut paasissutissanik toqqorsisarneq, imaluunniit
- nunap immikkoortukkuutaartumik toqqorsisarneq

Ukiut tallimakkaarlugit toqqorsisarneq tassaavoq ukiuni 1970-imi, 1975-imi, 1980-imi, 1985-imi, 1990-imi il. il. suliassat aalajangersimasut pillugit toqqorsisarneq. (Matumani ukioq atuarfiusoq ilaatinneqanngilaq, qaammatisiutimmi malinngimmagit, naatsorsorneqartassallunili augustimiit qaammatinik 12-inik siumut naatsorsuinikkut).

Ukiuni aalajangersimasuni allagaatit kukkunikkut kasiiler-toorneqarsimappata ukiuni tulliuttuni qaninnerni allagaatit toqqortarineqassapput.

Kisitsisitigut paasissutissanik toqqortat tassaapput inuuiit, illut B-normui taamatulluunniit normulersueriaaseqarlu- ni toqqortat. Inuuiit malillugit toqqortat 20%-iisa amerlaqatigaat qaammatip ulluini 1-imi, 6-imi, 11-mi, 16-imi, 21-mi kiisalu 26-mi inunngorsimasunut tunngassuteqartut tamaasa.

10%-it toqqortarineqassappata suliassat inunnut qaammatini tamani 1-imi, 11-mi, 21-milu inunngorsimasunut tunngasut tamarmik toqqortarineqassapput.

Sullinneqartunut tunngasut ilaqutariit mappiini toqqortarineqarpata inuup salliutinneqartup ulloq, qaammat ukiorlu inunngorfia tamaasa tunngavigalugit mappiliami toqqortarineqassapput.



Nunap immikkoortukkuutaartumik toqqorsisarneq tassaavoq Qa-qortup, Nuup, Ilulissat Tasiilallu kommuniini suliassanut tunngassuteqartunik toqqorsineq.

Suliassanik aalajangersimasunik piffissap ilaannaani toqqorsisoqassatillugu kommunip toqqorsivianut nuussilernermi tamatuma eqqarsaatigereerneqartarnissaa inassutigineqarsinnaavoq. Taamatut toqqorneqartussat puussaattut atorneqaqqusaa-sut ilaatigut atorneqarnerisigut.

7. edb-kkut allagaatit toqqorneqartarneri kasiilerneqartarnerilu.

Allaffikkut suliassat kommunip edb atorlugu sularisarpagit edb-kkut nalunaarsuutit toqqorneqartarneri kasiilerneqartarnerilu immikkut aalajangersaavigineqassapput.

Tamanna suliassat suussusiinik nalunaarsuineq tunngavigalugu pisinnaavoq, makkulu ilanngullugit nalunaarsimassapput:

- suliassap aqqa siunertaalu,
- suliassami paasissutissat suussusii
- paasissutissanut taakkununga tunngaviusut
- edb-kkoortumik naqitat (udskrifter)
- maskiinap suussusia programmiilu

Kommunit edb-kkut ingerlatsiviisigut naqitat (udskrifter) toqqorneqartarneri pillugit Nunatta Katersugaasivia Allagaa-teqarfialu aalajangiigajuttarpoq. Nalunaarsuutit maskiina atorlugu atuarneqartussat toqqortassatut tigu-neqarnissaat qaqutiguinnaq akuerineqarsinnaavoq.

Nalunaarsuutit paasissutissanik inunnut tunngassuteqartunik ilaqarpata, taamaalillutillu nalunaarsuiner-mi inatsimmi ilaatinneqarlutik, nalunaarsuinissami maleruaqqusat assili-neqarnerat ilanngullugu nassiunneqartassaaq.

Taamatut toqgorsinissami Justitsministeriaqarfimmit immikkut akuerineqarnissaq pisariaqarpoq, taannalu Nunatta Katersugaasivia Allagaateqarfiatalu erseqinnerusumik nalunaarutaa malillugu qinnutigineqassalluni.

ALLAFFEQARFINNUT TAMANUT ATAATSIMOORTUMIK AALAJANGERSAKKAT

Allaffeqarfinni tamani allagaatit toqgorneqartarneri kasiilerneqartarnerilu pillugit ataatsimoortumik aalajangersakkaani pineqartut tassaapput allagaatit kommunalbestyrelsimut ataatsimiititanullu tunngassuteqartut, kiisalu allagaatit Kalaallit Nunaanni Kommunit journalilersuisarnerini toqgorterisarnerinilu ataatsimoortumik nalunaarsueriaasiat malillugu nalunaarsorneqarsimasut.

1. Kommunalbestyrelsip, ataatsimiititat, kommissionit siunnersuisartullu tamarmik allattaavii, ullormut oqaluuserisaasa allattorsimaffii ataatsimiinnernilu imagarniliuinerit.

Toqgorneqassapput: Tamarmiusut (tamanut takusassiat, atortussanngortillugilluunniit atsiukkat).

Kasiilerneqassapput: Assilineqarneri allat. Atorfissaarunneqaraangata kasiilerneqarnissaannut piffissanngortarpoq.

2. Kalaallit Nunaanni Kommunit journalilersuisarnermi toqgorterinerinilu ataatsimoortumik nalunaarsueriaasiat malillugu suliassat suliarineqarsimasut.

- 2.1 Suliassat journalilersukkat

Suliassat journalilersukkat kasiilerneqartarneri pillugit aalajangersakkat bilag-ilersuutitut naatsorsuusaapput. Taakku toqgorterisarneq kasiiliisarnerlu pillugit aalajangersakkanut tulliini allaffeqarfikkaartumik immikkoortiterneqarsimasunut atatinneqassapput.

Journalilersueriaaseq pisogaanerusoq malillugu suliassanut journalilersugaasimasunut toqgorterisarnermi ka-

siiliisarnermilu aalajangersakkat atuutinnngillat. Suli-  
assat tamakku kasiilerneqassatillugit suliassat ataasi-  
akkaarlugit Nunatta Katersugaasivia Allagaateqarfialu  
isumaqatigiissutigineqartassapput.

2.2 Journalkortit nalunaarsuutitallit

Toqqorneqassapput: Tamarmik.

3. Allakkat nassiunneqartut assilineri

Kasiilerneqassapput: Tamarmik. Ukiut 5 qaangiuppata ka-  
siiliinissamut piffissanngussaaq.

4. Allakkat tiguneqartut nalunaarsorneqarfii

Toqqorneqassapput: Tamarmik.

5. Suliassat marloqiusanngorlugit ingerlatat

Suliassat marloqiusanngorlugit ingerlatat tassaapput  
suliassat allaffeqarfimmi suliassatigineqartut ator-  
tussartaasa assilinerinik imaqartinneqartut, assersuu-  
tigalugu suliassat sulisorisanut tunngasunik imallit.

Kasiilerneqassapput: Tamarmik. Suliassat taamaattut  
atorfissaarunneqarnerisigut kasiilerneqarnissaannut  
piffissanngortarpoq.

ALLATTOQARFIK (BORGMASTERIP ALLAFFIA)

Allattoqarfiup suliassaataasa amerlanersaat journalilersuinnissamik toqqorterinissamillu pilersaarummi nalunaarsorsimapput. Allagaatit toqqorterneqartarneri kasiilerneqartarnerilu pillugit aalajangersakkat tulliullugit taagorneqartut allattoqarfimmi suliassat tunaartarisassaat allat malillugit toqqorneqarsimasunut tunngasuupput; tassalu suliassat sulisorisanut qinersisarnermullu tunngasut.

1. Suliassat sulisorisanut tunngasut (soorlu aningaasaqarnermut allaffimmi suliassat akissarsianut tunngasut, kiisalu ineqarnermut allaffimmi suliassat sulisorisat ineqartitaaneranut tunngasut).

- 1.1 Atorfinnik inuttassarsiuinerit

Toqqorneqassapput: Inuttassarsiuinermi allagarsiuusaaq, matumani qinnuteqaatit takkussimasut allattorsimaffiat, taanna pigineqarpat, il. il. ilanngullugit.

Kasiilerneqassapput: Qinnuteqaatit itigartinneqartut. Atorfinitsitsisoqarniariarpat taakku kasiilerneqarnissaannut piffissanngusaaq.

- 1.2 Suliassat sulisorisanut ataasiakkaanut tunngasut (Inummut tunngasortaasa immikkut mappeqartinneqarnissaat naatsorsuutigineqarpoq, akissarsianulli, napparsimanermik peqqissinermillu nalunaarutit, angalanermut atatillugu - naatsorsuusiat il. il. immikkoortillugit katersorneqassallutik).

Toqqorneqassapput: Suliassat pisortaatitaasunut tunngasut, assersuutigalugu allaffeqarfinni, suliffeqarfinni/paaqqinniffinni pisortaatitaasunut tunngasut.

Kiisalu sulisorisat sinnerisa 10%-iinut tunngasut, tas-

sa sulisorisanut qaammatip 1-ianni, 11-anni, 21-annilu inuuilinnut tunngasut tamaasa.

Kasiilerneqassapput: Suliassat sinneri allat, matumani allaffinni allani kommunillu suliffeqarfiutaani suliasaatigineqartut allakkiartaasa assilineri. Sulisorisap soraarneraniit ukiut 5 qaangiuppata kasiiliinissamut piffissanngusaaq.

- 1.3 Atortussat sulisorisanut allaffimmut tunngassuteqartut Toggorneqassapput: Sulinngitsoortarnerit feeriartarnerillu pillugit allattuiffiit.

Kasiilerneqassapput: Napparsimanermik peqqissinermillu nalunaarutit, angalanermut atatillugu naatsorsuusiat il. il. Ukiut 5 qaangiuppata kasiiliinissamut piffissanngusaaq.

## 2. Qinersinerit

- 2.1 Qinersisinnaasut allattorsimaffiat (oqartussanut allanut nassiunneqartussaangitsoq)

Toggorneqassapput: Qinersisinnaasut allattorsimaffii kommunalbestyrelsimut, bygderádinut kiisalu ilagiit sinniisaannut qinersinerni atorneqarsimasut.

Kasiilerneqassapput: Qinersisinnaasut allattorsimaffii atorneqanngitsut. Ukiut 2 qaangiuppata kasiiliinissamut piffissanngusaaq.

- 2.2 Qinersinerit inernerisa allattorsimaffii (oqartussanut allanut nassiunneqartussaangitsut)

Toggorneqassapput: Tamarmik.

- 2.3 Taasiviit (oqartussanut allanut nassiunneqartussaangitsut)

Kasiilerneqassapput: Tamarmik. Qinersinerup inernerá erseqqissumik paasinarsiniariarpat kasiiliinissamut piffissanngusaaq.

- 2.4 Qinersinerup piareersarneqarnera ingerlanneqarneralu pillugit allaffigeqatigiittarnerit.
- Toqgorneqassapput: Atortussat Qaqortup, Nuup, Ilulissat Tasiilallu kommuniineersut.
- Kasiilerneqassapput: Atortussat kommunit sinnerineersut. Ukiut 5 qaangiuppata kasiiliinissamut piffissanngusaaq.

ANINGAASAQARNERMUT ALLAFFIK

Aningaasaqarnermut allaffimmi toqqorterineranut kasiiliiner-mullu aalajangersakkani pineqarput suliassat missingersuuti-nut, naatsorsuutinut, karsimut karsillu naatsorsorneqartar-nerannut, akissarsianut akiliisitsiniartarfimmullu (pantefo-ged) tunngasut.

1. Aningaasanut atugassanut missingersuut

Toggorneqassapput: Inaarutaasumik missingersuutit, aam-malu immikkoortortaqarfiit assigiinngitsut kommunillu iluani atorfeqarfiit assigiinngitsut missingersuusiaat.

2. Naatsorsuutit

Toggorneqassapput: Kommunip inaarutaasumik natsorsuu-tai, bilagit erseqqissaatillu pinngitsooratik ilanngun-neqartussat, kiisalu immikkut naatsorsuusiat ilanngul-lugit. Aamma kukkunersiuinermi nalunaarusiat atortus-sallu taakkununga tunngassuteqartut. edb atorlugu naatsorsuusiortoqartaraangat Nunatta Katersugaasivia Allagaateqarfialu toqqorterinissaq pillugu ilassutaasu-nik aalajangersaasinnaavoq.

Kasilerneqassapput:

- Naatsorsuinermi atortut, matumani allattaavissuit kontonullu allattaaviit ilanngullugit (aamma kortit, assilisat nalunaarutillu). edb atorlugu naatsorsuu-siortoqaraangat edb-p imai piiarneqartinnagit Nunat-ta Katersugaasivia Allagaateqarfialu immikkut aala-jangeeqqullugu qinnuteqarfigineqartassaaq. Naatsor-suutit akuerineqarneriniit ukiut 5 qaangiuppata ka-siiliinissamat piffissannugussaaq.
- Naatsorsuusiortermermi bilagit erseqqinnerusunik ilal-lit (naatsorsuutit bilagii il. il.). Naatsorsuutit inaarneqarneriniit ukiut 5 qaangiuppata kasiiliinis-samat piffissannugussaaq.



- Naatsorsuuserinermi atortut kiffartuussinerinnarmut pingaaruteqartut (assersuutigalugu karsip naatsorsorneqarneri, girotalonit, inddateringsbilagit, kukkusumik allatat il. il.). Ukiut 2 qaangiuppata kasiiliinissamut piffissanngusaaq.
3. Akissarsianut tunngasut (imm. 1-mi sulisorisanut allattoqarfimmuut tunngatillugit taaneqarsimasut takukkit). Kasiilerneqassapput: Tamarmik. Ukiut 5 qaangiuppata kasiiliinissamut piffissanngusaaq.
4. Akiliisitsiniartarfik (pantefoged)
- 4.1 Akiliisitsiniartartup allattuiffii (pinngitsaaliilluni akiliisitsiniartarnissamik aalajangiinerit) Toqgorneqassapput: Tamarmik.
- 4.2 Akiligassanik kinguaattoorsimasut allattorsimaffiat Toqgorneqassapput: Akiligassat kinguaattoorutaasimasut ataatsimoortumik ukiumut naatsorsorneqarnerat (ukiup naaneranut, piffissamulluunniit tassunga qaninnerpaa-mut). Naatsorsuinermi akiligassallit aqqi akiligassallu sueneri nalunaarsorneqarsimappata taakku tamarmik toqgorneqassapput. Kasiilerneqassapput: Akiligassanik kinguaattoorsimasu-nut allattuiffiit allat tamarmik. Ukiut 5 qaangiuppata kasiiliinissamut piffissanngusaaq.
- 4.3 Akiliisitsiniarnermi suliat (Akiligassalinnut allakkat) Toqgorneqassapput: Qaqortup, Nuup, Ilulissat Tasiilallu kommunini atortussat pigineqartut. Kasiilerneqassapput: Kommunini allani tamani atortussat pigineqartut. Akiligassanik kinguaattoorutip aalaja-ngiiffigineqarneraniit ukiut 5 qaangiuppata kasiiliinissamut piffissanngusaaq.

AKILERAARTARNERMUT ALLAFFIK

Akilerartarnermut allaffimmi toqqorterinissamut kasiiliinissamullu aalajangersakkani akilerartarnermut allaffimmi namminerimi suliassat, inuit aqqisa allattorsimaffiat qinersinermilu atortut ilaatinneqarput.

1. Akilerartarnermut allaffik1.1 Inuit ataasiakkaat akilerartussaataitaasut akileraru-siiffigineqartarnerinut tunngasut (nammineerluni nalunaarsuutit bilagitallit)

Toqqorneqassapput: Ukiut tallimangorneri tamaasa, atortussat tamaasa, tassa ukiunut isertitaqarfiusunut 1975-imut, 1980-imut, 1985-imut, 1990-imut il. il. tunngasut.

Kasiilerneqassapput: Ukiuni allani inuit ataasiakkaat akileraarfigisaanni akilerarusiinernut tunngasut.

Ukiup akileraarfiup pineqartup naanerani ukiut 20-t qaangiuppata kasiiliinissamut piffissanngusaaq.

1.2 Ingerlatseqatigiiffiit, peqatigiiffiit il. il. akilerarusiiffigineqartarnerinut tunngasut (nammineerluni nalunaarsuutit bilagitallit)

Toqqorneqassapput: Tamarmik.

1.3 Siumoortunik nalunaarsuinerimi atortussat

Kasiilerneqassapput: Atortussat tamarmik, taakkumi akileraarutissiinerup suliassartaanit immikkoortinneqartarmata. Ukiup akileraarfiup pineqartup naanerani ukiut 5 qaangiuppata kasiiliinissamut piffissanngusaaq.

- 1.4 Akileraartarnermi paasissutissat akileraarutissiinermi suliammut ilanngunneqanngitsut (sulisitsisut nalunaarsuiffiannit akissarsiat allagartaat il. il.)  
Kasiilerneqassapput: Atortussat tamarmik. Ukiup akileraarfiup pineqartup naanerani ukiut 5 qaangiuppata kasiiliinissamut piffissanngusaaq.
- 1.5 Illoqarfimmiut nunaqarfimmiullu aqqisa amerlassusiisalu allassimaffiat.  
Kasiilerneqassapput: Tamarmik. Ukiup akileraarfiup pineqartup naanerani ukiut 5 qaangiuppata kasiiliinissamut piffissanngusaaq.
2. Inuit aqqisa allattorsimaffiat
- 2.1 1974-ip tungaanut inuit aqqisa allattorsimaffii  
Toqqorneqassapput: Tunngaviumik paasissutissanik nalunaarsuiffiit, qimaguttunik nalunaarsuiffiit atillu allattorsimaffii.  
Kiisalu Qaqortup, Nuup, Ilulissat Tasiilallu kommunini inuit aqqisa allattorsimaffii pillugit allagaatit.  
Kasiilerneqassapput: Kommunini allani tamani inuit aqqisa allattorsimaffii pillugit allagaatit. Kasiiliinissamut piffissaq anguneqareerpoq.
- 2.2 1974-ip kingorna inuit aqqisa allattorsimaffii  
Toqqorneqassapput: Qaqortup, Nuup, Ilulissat Tasiilallu kommunini inuit aqqisa allattorsimaffii pillugit allagaatit.  
Kasiilerneqassapput: Kommunini allani tamani inuit aqqisa allattorsimaffii pillugit allagaatit. Kiisalu tunngaviumik paasissutissat nalunaarsorsimaffii, allagaatillu inuup normuanik ilaqartinneqartut. Ukiut 2 qaangiuppata kasiiliinissamut piffissanngusaaq.

ISUMAGINNINNERMI ALLAFFIK1. Isumaginninnikkut sullitanut tunngasut (pisortatigut ikiorsiissutit, utoqqalinersiutit, inuutissarsiorsinnaajunnaarnersiutit il. il.)

Suliassat isumaginninnermi sullitanut tunngasut toqqor-neqartarneri kasiilerneqartarnerilu pillugit aalaja-ngersakkani suliat kommunini qanoq ingerlanneqarneri apeqqutaatinneqarput. Imaassinnaammami:

- Ataatsimoortillugit suliassat, tassani ikiueriaatsit tamakkerlugit arlallilluunniit ataatsikkoortillugit, matumani pisortanit ikiorsiissutit, utoqqalinersiutit, inuutissarsiorsinnaajunnaarnersiutit angerlarsimaffimmi ikiorteqartitsineq, meeqqanut akiliutit tunniunneqartarneri, il. il. ilaatillugit.
- Tunniunneqartartut suuneri tunngavigalugit suliassat immikkut tullerliaakkat.
- Suliassat inunnut ataasiakkaanut ilaqutariikkaanul-luunniit inissititerneqarsimasinnaapput.

1.1 Suliassat pisortanit ikiorsiissutinut tunngasut, kiisa-lu ataatsimoortillugit suliassat isumaginninnermi tun-niunneqartartunut assigiinngitsunut arlalinnut attuu-massuteqartut.

Togqornegassapput: Suliassat inunnut qaammatip 1-ianni, 6-ianni, 11-anni, 16-ianni, 21-anni 26-anniluunniit i-nuuilinnut tunngasut. Suliassat ilaqutariikkaartunik inissititerneqarsimappata toqqorsinnermi inuup pingaar-nerutitap inuuia tunngavigineqassaaq.

Kiisalu suliassat meeqqanut innarluutilinnullu tunnga-sut ilaqutariit mappiinit allaneersut tamarmik.

Kasiilerneqassapput: Suliassat inunnut allanut ilaquta-riinnulluunniit allanut tunngasut tamarmik. Suliassami sullitamik kingullerpaamik attaveqarnermiit ukiut 10 qaangiuppata kasiiliinissamut piffissanngussaaq.

- 1.2 Suliassat immikkut ittut meeqqanut innarluutilinnul-  
luunniit tunngasut.  
Toqgorneqassapput: Tamarmik.
- 1.3 Suliassat immikkut ittut isumaginninnermi tunniunneqar-  
tartunut tunngasut (utoqqalinersiutit, inuutissarsior-  
sinnaajunnaarneriutit)  
Toqgorneqassapput: Qaqortup, Nuup, Ilulissat Tasiilallu  
kommuniini suliassaait pisartagalinnut qaammatip 1-  
ianni inuuilinnut tunngasut.  
Kasiilerneqassapput: Suliassat allat tamarmik. Sulias-  
sami sullitamik kingullerpaamik attaveqarnermiit ukiut  
10 qaangiuppata kasiiliinissamut piffissanngussaaq.
- 1.4 Suliassat immikkut ittut meeqqanut akiliutinut tunnga-  
sut  
Toqgorneqassapput: Qaqortup, Nuup, Ilulissat Tasiilallu  
kommuniini suliassat akiliutinik tigusartagalinnut  
qaammatip 1-ianni inuuilinnut tunngasut.  
Kasiilerneqassapput: Suliassat allat tamarmik. Sulias-  
sap akiliuteqarnermut tunngasup inaarneqarneraniit (a-  
kiligassat akilerneqarneriniit isumakkeerfigineqarneri-  
niilluunniit) ukiut 5 qaangiuppata kasiiliinissamut  
piffissanngussaaq.
2. Ulluunerani paaqqinniffinni angerlarsimaffimmilu paar-  
sisitsinermut inissanik qinnuteqaatit  
(Suliassat paaqqinniffinni sulisunut ingerlatitsiner-  
mullu tunngasut kommunip sulisuinut ingerlatsinermullu  
tunngasunut nalinginnaasumik ilaatinneqarnissaat naat-  
sorsuutigineqarpoq).  
Toqgorneqassapput: Qinnuteqartut allattorsimaffii.  
Kasiilerneqassapput: Ulluunerani paaqqinniffinni anger-  
larsimaffimmilu paarsisitsinermut inissamik qinnuteqaa-

tit. Qinnuteqaatip soqutiginaateqassusiata qaangiunneraniit ukiut 2 qaangiuppata kasiiliinissamut piffissanngusaaq.

3. Suliassat angerlarsimaffimmi ikiorteqarnissamik qinnuteqaatinut tunngasut

Toqgorneqassapput: Angerlarsimaffimmi ikiorteqartinnegartut allattorsimaffii.

Kasiilerneqassapput: Suliassat angerlarsimaffimmi ikiorteqartitsinermut tunngasut. Ukiut 5 qaangiuppata kasiiliinissamut piffissanngusaaq.

INEQARNERMUT ALLAFFIK

1. Inissanik tunisisarneq

Toqgorneqassapput: Inissamik tunineqarnissamut utaqqisut allattorsimaffii.

Kasiilerneqassapput: Inissamik tunineqarnissamik qinnuteqaatit. Qinnuteqaatip soqutiginarunnaarneraniit ukiut 2 qaangiuppata kasiiliinissamut piffissanngusaaq.

2. Ineqarnermut tunngasut (attartortitsinermut tunngasut)

2.1 Init allattorsimaffii (attartortitsinermi nalunaarsuutit)

Toqgorneqassapput: Kartotekit pineqarpata atortussat tamarmik. Nalunaarsuutit maskiinamit ukiumut arlaleriarlutik allanneqartarpata ataasiinnaq toqgorneqassaaq.

2.2 Attartortitsinermut tunngasut (attartornernut ataasiakkaanut tunngasut)

Toqgorneqassapput: Suliassani tamani illuutit B-normiunut 1-imik 6-imilluunniit naggatilinnut (tassa B nr. 1, 6, 11, 16, 21, 26, 31, 36, 41, 46 il. il.).

Kasiilerneqassapput: Suliassat inissiani allani ininik attartortitsinernut tamanut tunngasut tamarmik. Nutsernernut nalunaarutinut tunngasut immikkut toqgorneqarsinnaasut tamarmik. Attartortitsinerup taamaatinneraniit ukiut 5 qaangiuppata kasiiliinissamut piffissanngusaaq.

2.3 Aserfallatsaaliinermut tunngasut (ingerlatsinermut tunngasut), teknikkimut tunngasunut allaffik aamma taakuuk.

Toqgorneqassapput: Suliassani tamani illuutit B-normiunut 1-imik 6-imilluunniit naggatilinnut (tassa B nr. 1,

6, 11, 16, 21, 26, 31, 36, 41, 46 il. il.).

Kasiilerneqassapput: Suliassat inissiani allani ininik attartortitsinernut tamanut tunngasut tamarmik. Attartortitsinerup taamaatinneraniit ukiut 5 qaangiuppata kasiiliinissamut piffissanngusaaq.

**3. BSU-mit taarsigassarsianut tunngasut**

Kasiilerneqassapput: Atortussat tamarmik. Taarsigassarsiat tamakkerlugit akilerneqarneriniit ukiut 5 qaangiuppata kasiiliinissamut piffissanngusaaq.



SULIFFISSARSIUSSISARFIK INUUTISSARSIUTITIGULLU ALLAFFIK1. Suliffinnik innersuussineq

Suliffissanik innersuussinermi paasissutissat pingaarnert nalunaarsuiffiit (suliffissaaleqinermillu nalunaarsuiffiit)

Toqqorneqassapput: 1986 sioqqullugu paasissutissanik pingaarnernik nalunaarsuiffiit pilersinneqarsimasut. Paasissutissanik pingaarnernik nalunaarsuiffiit ullup taassuma kingorna ingerlateqqinneqarsimasut aamma toqqorneqassapput.

Kasiilerneqassapput: 1986-ip kingorna paasissutissanik pingaarnernik nalunaarsuiffiit pilersinneqarsimasut. Ukiut 5 qaangiuppata kasiiliinissamut piffissanngussaag.

1.2 Sulisitsisunut tunngasut

Toqqorneqassapput: Qaortup, Nuup, Ilulissat Tasiilallu kommuniini atortussat tamarmik.

Kasiilerneqassapput: Kommunini allani atortussat tamarmik. Paasissutissat ukiuni 5 pisoqaassuseqalerpata kasiiliinissamut piffissanngussaag.

2. Ilinniartitaanermut tunngasut (paasissutissat pingaarnert suliassartaalu)

Kasiilerneqassapput: Atortussat tamarmik. Paasissutissanik pingaarnernik nalunaarsuiffiit ilinniartitaanermullu tunngasut ukiuni 5 soqutiginaateqarsimangippata kasiiliinissamut piffissanngussaag.

3. Kommunit suliffissaqartitsiniarnerinut tunngasut

Toqqorneqassapput: Suliffissaqartitsiniarluni suliniutit piareersarneqarnerinit naammassillugillu ingerlan-

neqarnerinullu tunngasut tamarmik.

Kasiilerneqassapput: Naatsorsuutit bilagii il. il..  
Naatsorsuutit inerneqarlutik naammassineqarneriniit  
ukiut 5 qaangiuppata kasiiliinissamut piffissanngus-  
saaq.

4. ESU-mit taarsigassarsianut tunngasut

Kasiilerneqassapput: Atortussat tamarmik. Taarsigassar-  
siat tamakkerlutik akilerneqarneranniit ukiut 2 qaangi-  
uppata kasiiliinissamut piffissanngussaaq.

TEKNIKKIMUT TUNNGASUNIK ALLAFFIK

Teknikkimut tunngasunut allaffiup ogartussaaffigalugit suli-  
assaatai suussusii tunngavigalugit inaalitsiterneqarnissaat  
naatsorsuutigineqarpoq, toqqorneqassagunillu illut B-normui  
tunngavigalugit toqqorsivimmi toqqorneqassallutik. Suliassat  
B-normut tunngavigalugit toqgorterneqartut kasiilerneqan-  
ngikkallassapput, matumani illunut isaterneqarsimasunut  
tunngasut aamma ilanngullugit.

1. Illulianut sanaartugassanullu tunngasut  
Toqqorneqassapput: Akuersissutit, illuliornermi naat-  
sorsuutit inaarsarneqarneri, illuliornermut tunngatil-  
lugu kontraktit allaffigeqatigiittarnermilu allagaatit,  
kiisalu illuliornermut tunngatillugu ataatsimiittar-  
nermi imaqarniliat.  
Kasiilerneqassapput: Sananermut atatillugu naatsorsuu-  
tit bilagii. Illuliornermut atatillugu naatsorsuutit  
inaarsarneqarneriniit ukiut 5 qaangiuppata kasiiliinis-  
samut piffissanngussaaq.
2. Illunut, aqqusinernut il. il. tunngatillugu ingerlatsi-  
nermut aserfallatsaaliinermullu tunngasut
  - 2.1 Kommunip illuutaasa illuutillu allat kommunimit inger-  
lanneqarneri isumagineqartut ingerlanneqarneri aserfal-  
latsaalineqarnerilu (boligteknik aamma takuuk)  
Toqqorneqassapput: Missingersuutit naatsorsuutillu,  
kiisalu illut arlariiaat tamarmilluunniit ataatsimoor-  
tumik suliassartaat. Illuutit aalajangersimasut immik-  
kut suliassartaqartinneqarpata illut tallimaasa tamar-  
mik suliassartaat toqqorneqassapput, tassalu illuutit  
B-normui 1-imik 6-imilluunniit naggatillit (tassa B nr.  
1, 6, 11, 16, 21, 26, 31, 36, 41, 46 il. il.).

Kasiilerneqassapput: Illut aalajangersimasut ingerlanneqarnerinut aserfallatsaalinerinullu tunngasut allat tamarmik. Ukiut 5 qaangiuppata kasiiliinissamut piffissanngusaaq.

- 2.2 Aqqusernit, uninngaartarfiit allallu ingerlanneqarneri aserfallatsaalineqarnerilu

Toqqorneqassapput: Missingersuutit naatsorsuutillu, kiisalu Qaqortup, Nuup, Ilulissat Tasiilallu kommuniiini suliaasat tamarmik.

Kasiilerneqassapput: Kommunini allani tamani suliaasat allat tamarmik. Ukiut 5 qaangiuppata kasiiliinissamut piffissanngusaaq.

3. Innaallagissamik imermillu pilersuinermit atatillugu ingerlatsineq aserfallatsaaliinerlu (nunaqarfiit pilersorneqarneri)

Toqqorneqassapput: Kommunini tamani ingerlatsinerit pillugit nalunaarutit. Kiisalu Qaqortup, Nuup, Ilulissat Tasiilallu kommuniiini ingerlatsinermit aserfallatsaaliinerimullu tunngasut aamma toqqorterneqassapput.

Kasiilerneqassapput: Kommunini allani tamani nunaqarfiit pilersorneqarnerinut atatillugu ingerlatsinerit aserfallatsaaliinerillu (ingerlatsineq pillugu nalunaarusiat kisiisa pinnagit). Ukiut 5 qaangiuppata kasiiliinissamut piffissanngusaaq.

4. Eqqaanermut tunngatillugu ingerlatsinermit tunngasut (eqqagassat, anartarfiit, ikuallaaviit, eqqagassat ulorianartut nungusarneqartarneri il. il.)

Toqqorneqassapput: Ingerlatsinerit pillugit nalunaarusiat, naammagittaalliuutinut tunngasut.

Kasiilerneqassapput: Eqqaanermut tunngatillugu suliasat allat tamarmik. Ukiut 5 qaangiuppata kasiiliinissamut piffissangussaaq.

5. Qatserisartoqarneq

Toqqorneqassapput: Ullormiit ullormut nalunaarsuusiat, qatseriartortarnerit ikuallannerillu pillugit nalunaarsuusat, kiisalu sulisut allattorsimaffiat. Kiisalu Qa-qortup, Nuup, Ilulissat Tasiilallu kommuniini qatserisartoqarnermi atortuutitut tunngasut aamma toqqorneqassapput.

Kasiilerneqassapput: Qatserisartoqarneq pillugu suliasat allat tamarmik. Ukiut 5 qaangiuppata kasiiliinissamut piffissangussaaq.

KULTUREQARNERMUT ATUARFEQARNERMULLU ALLAFFIK

Kultureqarnermut atuarfeqarnermullu allaffiup allagaatai toqgorneqartussaallutillu kasiilerneqartassapput ALLAFFEQARFIIT TAMAASA PILLUGIT AALAJANGERSAKKAT ATAATSIMOORTUT naapertorlugit; matumani malugeqquneqarpoq allaffigeqatigiit-tarnermi allagaatit KANUKOKA-p pilersaarutaanit allaanerusunik tunaartarisassaqlarluni ingerlanneqarsimasut, assersuutigalugu Skoledirektørip pilersaarutitoqaa malillugu - aatsaat kasiilerneqarsinnaammata Nunatta Katersugaasivia Allagaategarfialu immikkut akuersiseqqaarlugu.

Kiisalu aamma ATUARFIIT ataasiakkaat toqgorsivii eqqarsaatigalugit malittarisassat ataani taaneqartut makkuninga ilalugit atuutissapput:

1. Atuarfiit atuartitsinissarlu pillugit pilersaarutit  
Toqgorneqassapput: Pilersaarutit allaqqaarneri (atsiorneqarsimasut) tamarmik.
2. Fælleslærerrådit  
Toqgorneqassapput: Ullormut oqaluserisassat ataatsimiinnermilu imaqarniliat (aalajangiinerit pillugit allattaaviit). Kiisalu aamma fælleslærerrådip siulittaasuata allattugaatai.
3. Atuartunik nalunaarsuiffiit  
Toqgorneqassapput: Atuartunik nalunaarsuiffiit allaqqaarneqarneri tamarmik.
4. Misilitsinnerni atuarunnaarnermilu allagartat uppernaarsaatit  
Toqgorneqassapput: Tamarmik.

5. Timelærerit sulisorineqarneri pillugit suliassat  
Toqgorneqassapput: Qaqortup, Nuup, Ilulissat Tasiilallu  
kommuniini timelærerit sulisorineqarneri pillugit suli-  
assat tamarmik.  
Kasiilerneqassapput: Kommunini allani tamani suliassat  
tamarmik. Sulisorineqartup soraarneraniit ukiut 5 qaa-  
ngiuppata kasiiliinissamut piffissanngussaaq.
6. Sunngiffimmi inersimasunillu atuartitsineq
- 6.1 Sunngiffimmi sammisaqartitsinissaq, sunngiffimmi atuar-  
titsineq qaammarsaanissarlu pillugit pilersaarutit.  
Toqgorneqassapput: Tamarmik.
- 6.2 Pisortat, ilinniartitsisut, ilitersuisut holdillu  
akuerineqarneri.  
Toqgorneqassapput: Suliassat akuersissuteqarnermut  
tunngasut tamarmik.
- 6.3 Sunngiffimmi inersimasunillu atuartitsinermut tunngasut  
allat.  
Kasiilerneqassapput: Atortussat allat tamarmik. Ukiut 5  
qaangiuppata kasiiliinissamut piffissanngussaaq.

ATUARFIIT ATAASIAKKAAT

Atuarfiup allagaatai toqqortarneqarlutillu kasiilerneqartasapput KANUKOKA-p pilersaarutaani allagaatit pillugit tunaartarisassat nalinginnaasut malillugit (Bilag takuuk). Atuarfiup allagaatai tunaartarisassat allat malillugit inaalissorneqartarpata, soorlu KUD-p pilersaarutitoqaa malillugu, allagaatit aatsaat kasiilerneqarsinnaapput Nunatta Katersugaasivia Allagaateqarfialu isumaqatigiissuteqarfigeqqaarlugu.

1. Atuarfiup ataatsimiititai assigiinngitsut pillugit allagaatit

## 1.1 Skolenævnit

Toqqorneqassapput: Ullormut oqaluuserisassat ataatsimiinnernilu imaqarniliat (aalajangiinerit pillugit allattaaviit) ataatsimoortut ataatsit.

## 1.2 Ilinniartitsisoqatigiit (lærerråd)

Toqqorneqassapput: Ullormut oqaluuserisassat ataatsimiinnernilu imaqarniliat (aalajangiinerit pillugit allattaaviit). Kiisalu ilinniartitsisoqatigiit siulittaasuata allagaatai.

2. Allakkat assilineqarneri

Toqqorneqassapput: Angerlarsimaffinnut atuartunullu nalunaarutit assilineqarneri.

Kasiilerneqassapput: Kommunimut, KUD-mut oqartussanullu allanut allakkat nalunaarutillu assilineqarneri. Ukiut 5 qaangiuppata kasiiliinissamut piffissanngussaaq.



3. Naatsorsuutit

Kasiilerneqassapput: Atortussat naatsorsuutitut tunngasut tamarmik. Naatsorsuutit inaarlugit suliarineqarneriniit ukiut 5 qaangiuppata kasiiliinissamut piffissanngussaaq.

4. Illuutitut tunngasut

Kasiilerneqassapput: Illuutitut tunngasut tamarmik, aamma ingerlatsinermut aserfallatsaaliinermullu tunngasut. Ukiut 5 qaangiuppata kasiiliinissamut piffissanngussaaq, suliassalli atortunut tunngasut toqgorsimaneqartassallutik atortut atorfissaqartinneqartuarallartillugit.

5. Pegutinut tunngasut

Toqgornegassapput: Qaqortup, Nuup, Ilulissat Tasiilallu kommuniiini atuarfinni pegutinut tunngasut.

Kasiilerneqassapput: Kommunini allani tamani atuarfinni pegutinut tunngasut. Ukiut 5 qaangiuppata kasiiliinissamut piffissanngussaaq.

6. Atuarfimmi sulisut (mappit ilinniartitsisunut tunngasut il. il.)

Toqgornegassapput: Ilinniartitsisut pillugit kartoteki ataaseq, atuarfinni ataasiakkaani paasissutissat tamaku nalunaarsorneqartarpata.

Kasiilerneqassapput: Suliassat sulisunut tunngasut tamarmik. Sulisorisap soraarneraniit ukiut 5 qaangiuppata kasiiliinissamut piffissanngussaaq.

## 7. Atuartut

### 7.1 Atuartut pillugit suliassat (atuartunut ataasiakkaanut tunngasut)

Toqqorneqassapput: Atortussat atuartunut tunngasut tamarmik allaqqaarneqarneri.

### 7.2 Atuartut pillugit suliassat (atuartunut ataasiakkaanut tunngasut)

Toqqorneqassapput: Suliassat atuartunut qaammatip 1-ianni, 6-ianni, 11-anni, 16-ianni, 21-anni 26-annilu inuuilinnut tunngasut tamarmik.

Kasiilerneqassapput: Atuartut pillugit suliassat allat tamarmik. Atuartut atuarfimmik qimatsineranniit ukiut 10 qaangiuppata kasiiliinissamut piffissanngussaaq.

### 7.3 Atuanngitsoortarnerniit allattuiffiit

Toqqorneqassapput: Allattuiffiit 1970 sioqqullugu sularineqarsimasut tamarmik. 1970-imiit siumut ukiut atuarfiusut tallimassaat nalleraangat toqqorsisoqartassaaq, tassalu ukiuni atuarfiusuni 1970/71-imi, 1975/76-imi, 1980/81-imi, 1985/86-imi, 1990/91-imi il. il.

Kasiilerneqassapput: Ukiuni allani tamani atuanngitsoornermut allattuiffiit allat tamarmik, tassa ukiuni 0/1-imik 5/6-imillu naggateqanngitsuni. Ukiut 10 qaangiuppata kasiiliinissamut piffissanngussaaq.

## 8. Atuarnermik inaarsinerit misilitsinnerillu pillugit allagaatit

### 8.1 Misilitsinnerit pillugit allattaaviit

Toqqorneqassapput: Tamarmik.

- 8.2 Atuarnermik inaarsisimanernut misilitsinnernullu uppernarsaatit (kultureqarneq atuarfiillu pillugit allaffimmi imm. 4 takuuk gupperneq 27).

Kasiilerneqassapput: Tamarmik, tassami naatsorsuutigineqarpoq taakku kommunip atuarfik pillugu allaffiani pigineqassasut. Ukiut 10 qaangiuppata kasiiliinissamut piffissanngusaaq.

- 8.3 Suut misilitsissutigineqarnissaannik nalunaarutit karakterillu allattorsimaffii.

Kasiilerneqassapput: Tamarmik. Ukiut 5 qaangiuppata kasiiliinissamut piffissanngusaaq.

- 8.4 Misilitsinnerni akissutit (inaarutaasumik misilitsinnerni)

Toqqorneqassapput: Ukiut atuarfiusut tallimassaanni misilitsinnerni suliassat, tassa 1970/71-imi, 1975/76-imi, 1980/81-imi, 1985/86-imi, 1990/91-imi il. il.

Kasiilerneqassapput: Ukiuni allani tamani misilitsinnerni suliassat allat tamarmik. Ukiut 2 qaangiuppata kasiiliinissamut piffissanngusaaq.

9. Atortussat allat

Toqqorneqassapput: Atuarfiup oqaluttuarisaanera pillugu atuagaaqqiat, oqaluttuat, assit tamakkulu assigisaat.

Kasiilerneqassapput: Inatsisit, nalunaarutit, kaajallaasitat aalajangersakkallu allat; atuartitsinissamut pilersaarutit assilineqarneri; skemaliortarneq pillugu atortut. Atortut pisariaqartinneqarunnaarpata kasiiliinissamut piffissanngusaaq.

KOMMUNIP ULLUUNERANI PAAQQINNIFFIUTAI

Paaqqinniffimmut inissinneqarnissaq pillugu isumaginninnermi ataatsimiititaq/isumaginninnermi allaffik aalajangiisartusaasoq naatsorsuutigineqarpoq, kiisalu paaqqinniffiup sulusui naatsorsuutaalu kommunip allaffeqarnikkut ataatsimut aqutsinerani isumagineqassasut aamma naatsorsuutigineqarpoq.

Toqgorneqassapput: Paaqqinniffiup ullorsiutai, kiisalu perorsaanikkut paaqqinniffimmi pilersaarusiornermut ingerlatsinermullu tunngasut. Atortussallu 1976 sioqqullugu pisoqaassusillit tamarmik.

Kasiilerneqassapput: 1976-ip kingorna atortussat sulusunut naatsorsuutinullu tunngasut tamarmik. Kiisalu kommunip allaffianik allaffigeqatigiittarnermi allagaatit aamma tamarmik. Atortussat ukiunik 5 pisoqaassuseqalerpata kasiiliinissamut piffissanngussaaq.

NUNAQARFINNI ALLAFFIIT (DISTRIKTIMI ALLAFFIIT FILIALEQAR-FIILLU)

Nunaqarfinni allaffinni allagaatinik toqgorterisarnermi kasiiliisarnermilu aalajangersakkani nunaqarfimmi allaffiup qanoq inissisimanera apeqgutaatinneqarpoq, tassa imaappoq:

- illoqarfimmi rådhusimut sanilliullugu nunaqarfinni suliassani ataasiakkaani allagaatit assiliussaannaanersut (tassa illoqarfimmi allaffimmi aalajangiisoqartarmat),
- imaluunniit nunaqarfimmi allaffik nammineerluni aalajangiisinnaassuseqartitaanersoq, taamaalilluni suliassat allagartaat assilisaannaanatik allagaviullutik.

1. Nunaqarfimmi allaffik allakkat assilineqarnerinnaannik pappialaateqartillugu

Togqorneqassapput: Bygderådip ataatsimiinnermini allattaavii kiisalu bygderådip nammineq allagaatai.

Kasiilerneqassapput: Paasissutissat illoqarfimmi kommunip allaffiani pigineqareersut. Suliassat inaarneqarneriniit ukiut 5 qaangiuppata kasiiliinissamut piffissanngusaaq.

2. Nunaqarfimmi allaffik suliassanik nammineerluni ingerlatsisarpat

Togqorneqassapput: Bygderådip ataatsimiinnermini allattaavii kiisalu bygderådip nammineq allagaatai. Kiisalu nunaqarfimmi suliassaatinik illoqarfimmi kommunip allaffiani toqgorsisarnermi tunaartarisassat atuuttut malillugit toqgorsisoqartassalluni.

Kasiilerneqassapput: Suliassani taamaattuni illoqarfimmi kommunip allaffiani tunaartarisassat malillugit atortussat kasiilerneqartussat. Illoqarfimmilu kommunip allaffiani kasiiliinissamut piffissanngorfiit matumani aamma atorput.

## BILAG

KALAALLIT NUNAANNI KOMMUNIT ATAATSIMOORTUMIK JOURNALILERSUISARNERAT TOQQORTERISARNERALLU MALILLUGIT SULIASSAT JOURNALISERERNEQARSIMASUT KASIILERNEQARTARNERI PILLUGIT AALAJANGERSAKKAT.

Aalajangersakkat journalilersuisarneq toqqorterisarnerlu pillugit atuakkiamut saqqummersumut kingullermut attuumatinneqarput (Journal og Arkivplan for grønlandske kommuner), KANUKOKA 1988.

Suliassat journalnormui taaneqartuni inaalinneqarsimasut suliassat ataasiakkaat pillugit taaneqarsimasut malillugit kasiilerneqarsinnaapput. Suliassat normunut journalilersuutaasunut attuumasumik journalnormulerneqarsimasunut tamanna aamma atuuppog.

**JOURNALINI ALLANI TAMANI SULIASSAATIGINEQARTUT TOQQORNEQASSAPPUT!**

Ataatsimoortumik oqaasertalersuineq imaattoq atorneqarsinnaavoq:

- "Kasiilerluinnarneqassapput", tassa kommunini tamani suliassat gruppemi tassaniittut tamarmik,
- "Kasiilerneqassapput, taamaattorli suliassat kommunini namminermi pissutsinut tunngasut pinnagit"; taamatut oqaasertaliineq atorneqarpoq suliassanut nalinginnaasumik paasissutissiissutitut kommuninut tamanut ingerlatinneqarsimasutut journaleqartinneqartunut. Suliassat kommunimi sularineqartariaqarsimasut kisimik toqqorneqassapput.
- "Kommunini toqqakkani toqqorneqassapput"; suliassat taamaattut Qaqortumi, Nuummi, Ilulissani Tasiilamilu taamaallaat toqqorneqassapput, kommuninili allani tamani kasiilerneqassallutik.

- "AALLAFFIK NN pillugu tunaartarisassat taaneqartut malillugit toqqorterneqassapput kasiilerneqarlutil-  
lu"; taamatut oqaasertaliineq atorneqarpoq suliassa-  
ni qularnanngilluinnartumik allatut journalilersor-  
neqarlutilillu toqqorneqartartuni; inersuussineq taan-  
na immikkoortunut allaffikkuutaartunut innersuussi-  
nermi atuuppoq.
- 00.05 Naalagaaffik, naalagaaffiup sinniisaa Namminersorne-  
rullutik Oqartussat
- 00.06 Kommunit kattuffeqarfii il. il.
- 00.07 Nunani allani kommunit kommunillu peqatigiiffii
- 00.08 Nunani tamalaani oqartussat  
Kasiilerneqassapput: kommunimulli pissutsinut tun-  
ngassuteqartut ilanngunnagit. Ukiut 5 qaangiuppata  
kasiiliinissamut piffissanngusaaq.
- 00.30 Sillimmasiinerit (kommunimut namminermt)
- 00.40 Kommunit pillugit atuakkiaq/kommunit pillugit ukiu-  
moortumik atuakkiaq  
Taamaallaat kommunini toqqakkani toqqorneqassapput.  
Kommunini allani ukiut 5 qaangiuppata kasiiliinissa-  
mut piffissanngusaaq.
- 03.04 Isumaqatigiissutit
- 03.08 Akissarsiat, aningaasarsiat, tapit il. il.
- 03.09 Soraarnerussutisiaqartitsinermt tunngasut
- 03.20 Pikkorissartitsinerit/ilinniartitaaneq  
Kommunini tamani kasiilerluinnarneqassapput. Ukiut 5  
qaangiuppata kasiiliinissamut piffissanngusaaq.

06.      Aningaasaqarneq  
ANINGAASAQARNERMUT ALLAFFIK-mut tunngatillugu imm.  
1-imi 2-milu tunaartarisassat taaneqarsimasut malillugit toqqorterneqassapput kasiilerneqarlutillu.  
(Qupperneq 13 aamma 14).

07.      Akiliisitsiniartarneq  
ANINGAASAQARNERMUT ALLAFFIK-mut tunngatillugu imm.  
4-mi tunaartarisassat taaneqarsimasut malillugit toqqorterneqassapput kasiilerneqarlutillu. (Qupperneq 14).

09.+B.nr. Kommunip illuutai inaataalu (inissiat ilanngunna-  
git)

Kommunip illuutaasa ingerlanneqarnerinut aserfallatsaalineqarnerinullu suliassanut tunngasut TEKNIKKIKKUT ALLAFFIK-mut tunngatillugu imm. 2.1-imi tunaartarisassat malillugit toqqorterneqassapput kasiilerneqarlutillu. (Qupperneq 24).

09.17    Eqqiaaneq

09.18    Kiassaaneq

09.19    Matuersaasersuineq

09.22    Kommunip illuutaasa inaataasalu aserfallatsaalineqarneri

Kommunini tamani kasiilerluinnarneqassapput. Ukiut 5 qaangiuppata kasiiliinissamut piffissanngussaaq.



- 10.00 Pisiniarnerit
- 10.05 Allaffimmi atortut naqitallu
- 10.15 Atisassat annoraamernillu
- 10.17 Egqiaanermi atortut
- 10.18 Egqaaviit puussiartaat
- 10.45 Allakkat assilinegarnerinik tuniniakkat  
Kommunini tamani kasiilerluinnarneqassapput. Ukiut 5  
qaangiuppata kasiiliinissamut piffissanngussaaq.
- 10.10 Qamutit motorillit atortussallu
- 10.11 Teknikkikkut atortut allat
- 10.12 Pegutit allaffimmilu maskiinat
- 10.13 Iggavimmi kantiinamilu atortut
- 10.16 Pegutit atortullu immikkut ittut paagqinniffinni  
atugassat
- 10.25 Kiffartuunnegarnerit (akiliuteqarluni)  
Taamaallaat kommunini toqqakkani toqqorneqassapput.  
Kommunini allani tamani ukiut 5 qaangiuppata kasi-  
liinissamut piffissanngussaaq.
- 11.30 Kisitsisitigut naatsorsueqqissaarnerit (tamanut  
tunngasut)  
Kommunini tamani kasiilerluinnarneqassapput. Ukiut 5  
qaangiuppata kasiiliinissamut piffissanngussaaq.
13. Sulisut assigiinngitsut kattuffii pegatigiiffiilu  
  
Kasiilerneqassapput, suliassalli kommunimi pissutsi-  
nut tunngassuteqartut ilanngunnagit. Ukiut 5 qaangi-  
uppata kasiiliinissamut piffissanngussaaq.

- 23.05 Biilit uninngaartarfii
- 23.04 Nuna tamakkerlugu angallaneg  
Taamaallaat kommunini toqqakkani toqqorneqassapput.  
Kommunini allani tamani ukiut 5 qaangiuppata kasiiliinissamut piffissanngussaaq.
22. Illoqannginnersat
23. Agqusernit angallannerlu
24. Umiaarsualiviit, timmisartut mittarfii orsussaasivegarfiillu
25. Pilersuinermi teknikkikkut atortut pilersuinermillu ingerlatsineq
27. Eqqaaneq eqqaavegarfiillu  
Suliassat ingerlatsinermut aserfallatsaaliinermullu tunngasut TEKNIKKIKKUT ALLAFFIK-mut tunngatillugu tunaartarisassat imm. 2, 3 aamma 4 malillugit toqgorterneqassapput kasiilerneqarlutillu. (Qupperneq 24 aamma 25).
32. Inissianik aqutsineq
34. Inissiat pillugit teknikki  
Suliassat ingerlatsinermut aserfallatsaaliinermullu tunngasut INEQARNERMUT ALLAFFIK-mut tunngatillugu tunaartarisassani imm. 2.3. malillugu toqgorterneqassapput kasiilerneqarlutillu. (Qupperneq 20).
43. Isumaginninnikkut pisartakkat  
Taamaallaat kommunini toqqakkani toqqorneqassapput.  
Kommunini allani tamani ukiut 5 qaangiuppata kasiiliinissamut piffissanngussaaq.

52. Annertunerusumik ilinniartitaanerit

Kasiilerneqassapput, suliassalli kommunimi pissutsi-  
nut tunngassuteqartut ilanngunnagit. Suliassat allat  
ukiut 5 qaangiuppata kasiiliinissamut piffissanngus-  
saaq.

66.10 Inuutissarsiutitigut tapiissutit aqunneqarneri

66.48 Angallatinik sillimmasiisarneq

66.49 Umiarsuit nalunaarsorneqarneri

66.50 Angallatinik allattuiffik

66.51 Naalagaaffiup Umiarsuarnik Nakkutilliisoqarfia

Kasiilerluinnarneqassapput. Ukiut 5 qaangiuppata ka-  
siiliinissamut piffissanngussaaq.

67.01 Suliffissaqartitsiniarnermut tunngasut

Kasiilerneqassapput, suliassalli kommunimi pissutsi-  
nut tunngassuteqartut ilanngunnagit. Suliassat allat  
ukiut 5 qaangiuppata kasiiliinissamut piffissanngus-  
saaq.

68. Inuutissarsiutitigut ilitseruineq, suliaticigut ilin-  
niartitaaneq ilinniagaqarnermilu tapiissutit

Kasiilerluinnarneqassapput. Ukiut 5 qaangiuppata ka-  
siiliinissamut piffissanngussaaq.

74.     Aatsitassat nukissiornikkullu peqqumaatit
75.     Uumasunik eqgissisimatitsinerit
78.     Pisisartunut tunngasut
80.     Avatangiisit sillimanissarlu pillugit pissutsit na-  
linginnaasut
81.     Avatangiisinut tunngasut
92.     Illersornissaq  
Kasiilerneqassapput, suliassalli kommunimi pissutsi-  
nut tunngassuteqartut ilanngunnagit. Suliassat allat  
ukiut 5 qaangiuppata kasiiliinissamut piffissangus-  
saq.
85.     Qatserisartoqarneq  
TEKNIKKIKKUT ALLAFFIK-mut tunngasumi tunaartarisas-  
sami imm. 5 malillugu toqqorterneqassapput kasiiler-  
neqarlutillu. (Qupperneq 26).